

灌陽縣志卷之十九

藝文四 賦 詩

平賦賦

明 顧 璘

肅吾駕以晨征兮首龍川之綴邑涉湘流之浩洋  
兮度雷嶺之峩嶢懷天地之既秋兮氣微蹙而颺  
栗行原野之迫仄兮顧物情而增息峽憑雲而下  
注兮波聲碎其若雷巨石礧礧以軒壯兮劃壁斷  
兩中開木幽陰而乳鬱兮仰不見白日之輝豺虎  
伺人一聞卒發兮猩狝立而旁哈猿獠失步於穿檻  
兮鳴嗚嗚而夜哀亦有鳥不知 白兮忽殺人

灌陽縣志

卷之十九

而下來嗟予生之泥塗兮蹈畏途

宋之才口 石梁

宋之文才兮又南尋乎魍魅踰夢龍之充庭兮予  
獨何為乎荒裔陽春豈其遺照兮實狂夫之自取  
託巫咸以三占兮又謂吾行為近是苟大道其在  
斯兮抑何憚乎虎尾皇恩沛其雨露兮侈專城而  
揚蓋雖九死其何以報兮誓捐軀以道罪念仁者  
之多憫兮囿萬物而無外矧茲邑之有屬兮夫孰  
忍其馮瘝展圖版以料其民兮悼十室而九亡失  
慈母之摩煦兮毒蠱螫而肌膚矧口賦之日增兮  
蹄涔豈勝其辱量穉獍伏莽而獸擾兮螳臂困於



拒壤雖茲歲之穎粟兮其猶未冀於蓄藏吾將剔  
蕪政之汙穢兮揚糠粃而棄之三賦之盈胸兮哀  
贅疣而益虧鑽巨蠹以榮植兮發蒙蓋而風滋倘  
尺寸之可裨兮詎惜夫終夜而營思諄羣疾之聚  
體兮豈一一之能治矧拙臂之短用兮非三折而  
成醫服孟氏之格言兮求芻牧云已疲歸牛羊而  
東返兮將與世路乎長辭

詩

淮陽縣灘

唐戴叔倫經畧使

十月江邊蘆葉飛淮陽灘冷上舟

今明來遇高

淮陽縣志

卷之十一

賦詩

風便還與沙鷗宿上灘

花石巖

唐柳宗元郡司馬

憶昨籌戎事不同曾聞燕集此巖中軍聲孰與水  
聲勝虜勢難爭山勢雄孳畧縱能親朗日安全還  
記慕遺風我來忽動晏安志爲拂蒼崖記雋功  
雨後曉行至愚池北

柳宗元

尋愚溪

柳宗元

悠悠雨初霽獨繞清溪曲引杖試荒泉解帶圍新

竹沉吟亦何事寂寞固所欲幸此息營營歎歌靜  
炎燠

又

柳宗元

少時陳力希公侯許國不復為身謀風波一跌遊  
萬里壯心瓦解空縲囚縲囚終老無餘事願卜湖  
西冉溪地却學壽張樊敬侯種漆滿園待成器

溪居

柳宗元

久為簪組累幸此南夷謫閒依農圃隣偶似山林  
客曉耕翻露草夜傍響溪石來往不逢人長歌楚  
天碧

灌陽縣志

卷之十一

詩

昭義驛

卷之十一

州守

霜林紅葉襯桐花路轉崖根百尺斜霽日斷雲成  
徙倚湘南秋盡未還家

遊通真巖

宋徐大著

判簿

官事癡兒無了日賞心底事莫相違試沿溪足跡  
清淺復傍山腰入翠微突兀楷梯登石陛玲瓏戶  
牖欵巖扉塵埃作吏渠應笑更與從容待月歸

遊通真巖

明劉篔

邑令

政暇追遊到水隈水隈一竅豁然開看來彷彿桃  
源景只少桃花洞口栽

遊通真巖擬作思柳亭

明顧璘州守

蕩舟緣西溪風物如虛爽忽得通真巖眾喜得奇  
賞石壁倒千仞洪濤激中廣通天貫靈竅雲氣恣  
來往玉髓墮陰滴蓮花抱烟長若然神仙窟所愧  
繁塵鞅緬懷柳愚溪千載寄幽想其人雖已歿精  
華尚星朗願言作新亭延此燠月黨今古兩悠悠  
江波日東響

華山舜帝廟

顧璘

隱隱蒼梧映郭門滔滔江水抱山根羣峯獨捧重  
華廟大地誰云五嶽尊雲暗九疑迷堊處月明孤  
竹見啼痕長將澗藻修貞祀願就琴堂與德溫

華山

顧璘

眾壑行雲逸有無灌江清影照人孤題詩寄向王  
摩詰乞寫華山對面圖

仙源洞

顧璘

柳侯昔放逐頗好山水事觀其著文詞動以喻來  
世逮今歲月改陵谷莽遷異我行徂灌川聞有招  
隱地懷賢慰遐想弔古動幽意塵館休吏衙秋原  
散遊騎度嶺疲登頓涉沙苦沾漬空潭激哀流古  
木隨餘翠窮搜盡陽景屢剔斷碑字豈無會心觀

往往悖圖志興盡且須返聊以展同致以上二首  
全州志作

李遷

又

顧璘

內坂凌虛度七盤仙源何處問三韓溪門古木蒼  
雲濕澗道疎花白雪寒短髮愧從愁裏老青山疑  
在夢中看還誇野興秋難禁莫怪巖陰日易殘

題蔣道人故棲石

顧璘

水曲桃花暗靈巖信有仙蟲書留古洞鶴駕去何  
年白犬眠金寵蒼龍飲玉泉愧非稽叔夜來此竟  
空旋

灌陽縣志

卷之十九

詩

出峽

顧璘

羣峯高束灌江流雪浪清秋酒客舟古木倒垂雲  
上下亂灘交馮石沉浮猖狂阮籍窮途哭浩蕩王  
陽渡坂愁料乏雲臺酬馬革願攜霜鬢老狐邱

放生潭

明龍澄愈憲

石潭潭上達巒宮隔斷紅塵遠市風波映龍鱗清  
見底秋明月渚碧涵空杏壇涼入琴書潤芹沼流  
凝蜃氣通士友觀瀾窮道體盈科漸進莫停功

文峯潭

即放生潭

明劉台提學副使

數峯高聳逼文星潭底蛟龍睡未醒我為品題龍

亦喜便看突起駕風霆

公館留題

明 陳宗德 按察副使

六年踪跡未曾停  
冒走風塵每見星  
接節敢辭灘路險  
好山隨入灌陽青  
竹籬茅舍千門月  
石徑溪橋幾處亭  
但得容身長是健  
異鄉雖久不妨經

公館留題

明 劉台 提學副使

灌陽風景似仙家  
十里藩籬總是花  
水自洞中梳石髮  
風從叢裏摘蜂衙  
槎牙樹古皮皴溜  
翠嶺峯奇頂片霞  
最是地靈人傑處  
愧無椽筆付籠紗

公館次劉韻

明 沈尚經 州守

灌陽縣志

卷之十九

詩

六

客裏相過卽是家  
阿誰裁得滿城花  
雲開疊嶂春橫幃  
縣僻常年午放衙  
簷溜可堪心苦雨  
村沽那得面烘霞  
蠻荒三月寒如許  
却道征衣錯帶紗

月岡公館

明 劉梅國 提學

稅溪亭子面溪開  
四處青山點翠苔  
小坐亭臺無箇事  
清風明月甚幽哉

前題

明 姚東泉 提學

叱馭朝登峽  
停驂夜傍營  
郊迎來洞客  
庭拜謁書生  
雨帶溪聲急  
雲連樹影橫  
未須嚴擊拆  
此地久無兵

平賦詩

顧璘

累歲倦行役茲晨仍灌川路危纏嶺脊草盛隱人  
肩逐客窮愁日荒村大有年不才寬罪遣何以報  
皇天

又

顧璘

我聞黃虞民罔識官師名老翁披素髮壤歌如孩  
嬰季世廣法令民心始忡懼馬牛急租稅鷄犬紛  
鬪爭茲邑苦窮僻曾獻紆荒城謂去華胥國頗遂  
桃源耕咨諏逮幽隱轉痛閭閻情山深吏治猛里  
胥日縱橫執熱不以濯煎膏難及明府帖增新役  
賦籍何由平水枯網罟亂孰使魚不驚投筆坐長  
嘆淚下霑綉纓

灌陽縣志

卷之十九

詩

七

種桑曲 十章

牛兆捷 邑令

救窮無藥羨天孫織錦光華歲惠存指點金絲丹  
不遠仙農陌上是靈根  
枝枝樹樹掛絲羅萬樣經綸未足多叢雜荆榛來  
白眼秋空黃葉歲蹉跎

圖王定霸倚君材衣被蒼生計日來六筐星暗無  
人採冷落江臯伴綠苔

漢天管樂寓隆中八百桑株無曠工治國如家香

火遍零陵漢郡意神馮  
載績朱陽公子裳條桑蠶月預元黃環河幽魏同  
流遠十畝閒閒願作行  
史遷貨殖傳瀰漫鹽鐵機絲比例看煮鑄有官山  
海貢桑麻無罰惰游難

村奇富國績間投恨不成行抱子愁摘用浮沉沉  
實好布哇千種出平疇  
樞供鳩食大無聊食肉遺元怨滿條早洗穢清君  
子長奇材無數映崧喬

樂親戕斧到如今枯稿形同不易心間歲發榮資

灌陽縣志

卷之十九

詩

八

給遠材成端借刻核深

牽牛伴讀老農夫政學親民襦褲無先覺空桑含  
愧甚難言被世有奇謨

種桑歌八首

遺其二

牛兆捷

灌民貧因桑少有田有地不種桑止收田禾那是  
好灌民貧因桑少無田無地不種桑赤手空拳  
那是好勸吾民學種桑種桑一畝可完公十畝  
五畝家成寶勸吾民學種桑種桑不費田和地  
屋基沙嶺皆生意勸吾民學種桑種桑不費人  
和工老人婦女皆經營勸吾民學種桑種桑不費



日和月一時經理三年業

遊九龍巖

明黎

獻諭 邑教

人間何處訪仙踪策馬追尋與正濃皂卒每爲山路引瑞雲長把洞門封隆中還未來昭烈貽彩會因點葉公莫謂蒼生霖雨少九龍猶在石巖中

華山雪霽

龍澄

積雪初消見華山端嚴有路可躋攀暖回陰壑冰皆釋流引寒泉落碧灣

前題

劉虎

華山雪霽見山巔峭壁懸崖勢插天欲拜神祠愁

灌陽縣志

卷之十九

詩

九

矣兀人言有路可攀援

前題

明王

州 邑中書

玉液琉璃日在山金鰲銀海許誰攀詩人只恐梅花瘦踏遍華陽個個灣

前題

明

陳延藩

邑教諭

三冬雪蓋巧於春妝點華山燦似銀暝色未開先凜冽曉燴初散轉明新峯頭瓊閣來天上平地蜃樓出海濱信是豐年農有兆光輝還映讀書人

華山雪霽

唐宜甲

邑孝廉

華山輝媚直如綯瑞雪平鋪美更賒最愛風和催

玉樹復欣日暖燦瓊花光聯銀漢天邊色影射姚  
君廟頂霞此景明明高洛浦閉門高卧幾人家

前題

王維嶽邑明

曾聞積雪艷峩嵒華頂清輝足並奇匝地同雲初  
散後行天化日正臨時影浮銀漢明湘水色借蟾  
光映薄帷對此聰明渾欲淨玉山朗朗豁襟期

三峯烟雨

明龍澄

濛濛烟雨蔽三峯迷樹漫空翠幾重風起雲開飛  
散處依然秀削玉芙蓉

前題

明劉篔

灌陽縣志

卷之十九

詩

十

望外三峯入品題年來烟雨苦濛迷有時雨散烟  
收後秀插晴空孰與齊

前題

王州

遙從雲外落危峯抹雨塗烟氣象重烟淨天然去  
雕飾雨餘秋水出芙蓉

三峯烟雨

陳廷藩

三峯削出瞰平田不俟村村社鼓齋風約半山飄  
素練雲籠絕頂降清泉名亭曾誌東坡喜膏黍常  
思召伯賢試上高樓舒遠望耦耕餽餉各紛然

前題

王之驥邑庠

縹緲三峯拔地起蜿蜒磅礴幾千里南聯五嶺北  
衡廬巨靈畫疆奠厥址簇簇芙蓉侵九霄日輪月  
馭纏山腰鍾奇毓秀知何限竹箭丹砂與鳳毛我  
家開戶當山面青眼相看兩不倦秋月春花互勸  
酬襲人爽氣有餘善無端密雨雜煙來巒壑濛濛  
散劫灰失却三峯真面目軒牕秀色幾時開煙深  
虎豹嗥其族雨集龍蛇競起陸匝地陰風草木腥  
題詩誰向峯頭竹安得山靈謁九天肅將帝命揚  
義鞭飛廉建旆相後先馳驟須臾遍八埏驅出千  
山雨共煙三峯豁然流翠萬古妍

瀋陽縣志

卷之十九

詩

十一

前題

王維泰

邑人  
教諭

三峯矗雲端羣巒讓清峭煙雨蒙其巔盛德不自  
耀氣象愈冲穆淵然涵衆妙孕育贊元化靈籟鳴  
古調舉世想丰儀閉關炯內照空濛隱現間仰止  
發長嘯

三峯烟雨

時之華

邑孝  
廉

巨靈特闢數峯奇二氣氤氳望不知高峙雲天原  
在列平分楚粵亦相宜曉煙重疊描難盡春雨濛  
濛瀑易施自是名山多養晦個中隱見只隨時

前題

唐宜甲

天際奇峯峙邑南形成筆架起晴嵐煙橫絕頂拖  
輕素雨滴巒頭聳翠藍玉筍依稀雲裡插瑤枝恍  
若霧中含何年約伴層巔上指點微茫孰可參

前題

唐象兌

邑明經

奇峯矗峙勢相連高出龍川山萬千樹擁晴嵐輝  
反照雲生谷口彌青天迷離玉笋空中影蒼翠瓊  
芝雨後妍每憶天台非易到且隨鹿豕臥山巔

前題

王象升

邑庠生

三山秀起列雲端米氏奇峯耐遠看煙雨日多晴  
日少懸知絕頂最高寒

灌陽縣志

卷之十九

詩

十一

前題

王之騏

邑庠生

三峯突兀插天雄變幻煙雲在望中晴好雨奇堪  
入畫慚非摩詰寫難工

王樓晚渡

龍澄

日晚人歸聚水濱小舟渡此幾番春莫言漁父能  
辭劍若在當時爲問津

前題

劉篴

王樓山下水如梭薄暮居民待渡多不是公私忙  
似箭此時那得有人過

前題

賴繼亨

邑令

下璞天成百尺臺仙舟江上暮飛來  
茫茫湘水波千頃利濟應須傳相材

前題

王州

待渡歸人簇水濱樓臺倒影掉翻春  
孤鴻聲斷行踪跡撐入菰蒲月滿津

前題

陳一朋 邑令

瞰江高矗儼層臺渡口周通任往來  
絕勝乘輿溱洧濟令人却憶國僑材

又

凌空差擬化人臺細篠蒼枝石罅迴  
望處炊煙浮

灤陽縣志

卷之十九

詩

三

淡碧一航欸乃逐波來

王樓晚渡

陳廷藩

西關路接小江頭踏破巖心一徑幽  
月洞空教飛雪竦寒波無復臥沙鷗  
忙趨且讓人喧渡緩步非因客倦遊  
聞說古來靈跡在晚歸時或遇仙舟

王樓晚渡

有序

王維泰

城西三里許有仙渡舊在望華巖  
去今渡口二百餘步巖口臨江東西  
洞穿路經其中相傳行人抵暮喚船  
輒飄飄自至寂不見人宋理宗時有  
道人過此語眾曰刺船者仙人王

樓也其船忽沉遂不復渡後人因以其名名  
山今關口懸崖上尙鐫有王樓山路記字大  
如椀明萬厯間邑侯賴公泛舟賦詩題曰王  
樓晚渡世人以訛傳訛遂號玉樓山不復知  
王樓爲仙人姓名矣但賴詩猶有仙舟江上  
暮飛來之句則其實終不可沒予因感而賦  
此蓋不欲使古人奇蹟湮沒於今日云爾  
何年渡口泛仙舟仙去江山依舊留壁峭倒撐天  
在水巖空暗換夏爲秋夕陽紅樹禪關寂明月蘆  
花漁唱稠吹罷洞簫鳴鶴唳令人千載憶王樓

灌陽縣志

卷之十九 詩

十四

王樓晚渡

唐宜甲

津頭渺渺灌城西絕岸青山業品題水際浮漚堪  
玩戲巖陰石磴好攀躋烟昏暮客悠然會日落虛  
舟自爾低非是王樓深普渡晚來欲濟叫誰攜

前題

唐象兌

灌水悠悠野渡浮昔時曾此泛仙舟層巒映帆蒼  
苔冷虛谷玲瓏景象幽千里行人悲隔岸扁舟薄  
暮到津頭幾回愁裡覓仙跡直上瀛洲洲上遊

前題

王象升

絕壁巍巍聳渡頭千秋勒石記王樓昔人已跨凌

雲鶴今日空餘戲水鷗好句幸添湘浦色良晨應  
作武陵遊黃昏最可移情處明月蘆花風滿舟

前題

唐時啟

關畔秋殘細草芊白鷗飛盡水同天僧歸紅葉林  
間寺人喚斜陽渡口船渚面已臨三岳黛櫓聲搖  
碎一汀烟蘆中老丈今何在楚客如余亦伍員

龍岡擁秀

龍澄

龍岡水遠接平沙秀擁林巒一望餘紫翠四時晴  
絢錦勝遊何日過仙家

前題

劉箎

灌陽縣志

卷之十九

詩

五

龍岡岡上勢嵯峨疊嶂層巒擁秀多閱暇攜琴遊  
賞處無端佳致恣吟哦

前題

陳廷藩

矗兀蜿蜒聳太空依稀體勢似隆中瀑飛曲澗時  
行雨氣結孤雲晚出虹處僻莫看成宦徑仰高惟  
喜挽儒風地靈秀發人多傑夭矯由來迥不同

龍岡擁秀

唐宜甲

勢若龍遊一矗岡端凝浩氣鎮清湘名高鳳穴峯  
巒麗翠拔虹橋岫壁蒼塢雨塢花添野景溪雲溪  
水吹嵐光頻看恰似王維畫占盡觀陽眾嶺芳

前題

王維嶽

崇岡東折復西灣形勝雄蟠楚粵間一線峽門嚴  
鎖鑰千重保障衛城關物華天寶光難掩競秀爭  
流意自閔莫道此邦文獻少五雲如繡擁名山

前題

王象升

崇岡曲折勢凌空翠壁丹崖一望中野樹拖煙籠  
淡月斜陽帶雨挂長虹林巒起伏如人意洞壑玲  
瓏類鬼工況得高賢垂鑒賞山川輝媚更何窮

靈巖秋月

龍澄

靈巖幽邃自天開翠壁丹崖玉作臺秋月照臨清

灌陽縣志

卷之十九

詩

六

似水人間何處問蓬萊

前題

劉麓

靈巖儼若神仙境一竅天然似牖開秋夜月來先  
到影好邀佳客酌金壘

前題

陳廷藩

秋來明月十分嬌雅愛靈巖興倍饒洞闢冰輪圓  
不闕光流瓊影照偏遙溪山豁我忘年譜造化愚  
人覆酒瓢一任曉昏千古永何須三五慶良宵

靈巖秋月

唐宜甲

靈巖窈窕復穹窿疑是神將鬼斧通秋到洞門騰



玉鏡月移竅穴透玲瓏谷音似奏霓裳曲花影恰  
如丹桂叢天上人間無二樣何須更覓廣寒宮

前題

王象升

問誰假手五丁力穿石臨江開太極東面能通西  
面風元竅灣環非徑直日影星光齊借來透入空  
山成月色造物遊戲弄神怪另闢蟾宮示莫測靜  
歛清輝湘浦明萬古常圓不受蝕蒼茫煙水盪輕  
雲隔斷炎蒸寒氣逼恍然天上在人間應有嬋娟  
箇中匿我欲策杖相追尋愁殺仙靈難認識桂花  
香裏暫開尊醉倚冰壺長嘆息霓裳羽衣曲不聞

灌陽縣志

卷之十九

詩

七

四壁蟲聲空唧唧

又

探奇着屐破蒼苔山下何年石洞開紅葉滿林秋  
色醉娟娟寒月夜深來

前題

王維嶽

茲巖何以靈元竅含素魄萬古盈不虧清輝自朝  
夕誰鑿混沌精斧斤渾無跡洞中別有天靜理耐  
冥索我來值高秋水天同一碧空光悅精神四壁  
生虛白清風穆然來如入廣寒宅皎皎月窟中天  
根會可闢

石匱歸樵

龍澄

雲連石匱樹陰陰山徑崎嶇澗壑深堪笑歸樵何  
太急營生愁晚一般心

前題

劉篔

歸樵石匱倦躋攀相喚相呼過此關薪擔重時難  
疾步到家日影已西山

石匱歸樵

賴繼亨

玉洞清虛舊有臺爛柯仙子去還來豫章特出高  
千尺留作天朝柱國材

石匱關

單父牧

灌陽縣志

卷之十九

詩

六

山盡江門一線通躡天躋地總無功石帆方轂應  
難渡嶺外艱深第一峯

石匱歸樵

陳廷藩

未信樵林逸興多關前翹首定如何風生峽口天  
鳴籟人唱巖陰谷答歌水畔還山通石路松枝帶  
葉束藤蘿歸時不踐漁翁約知恐觀棋久爛柯

前題

唐納牖

邑人知縣

絕巘臨流一徑通水光山色有無中夕陽返照歸  
樵急幾筆雲林擬未工

前題

王維泰

絕壁俯澄潭殘霞明遠樹習習谷風生隔水樵歌  
渡捫蘿下山腰石髓滑芒屨相逢不識名渾身帶  
煙霧歇擔愁崖側談笑饒野趣負薪豈不苦生涯  
託平素寒夜一爐紅舉家當襦袴美人來不來榛  
苓思叔度

前題

時之華

人世優閒孰若他斧斤活計在山阿肩持枯朽懸  
崖下足踏莓苔傍壁過返照入眸紅漸斂歸雲隨  
笠碧還多前途各認來時路行望柴門且嘯歌

石匱歸樵

唐宜田

灤陽縣志

卷之十

詩

十九

巍巍石匱碧烟多此處樵歸景若何壁峭崖懸人  
在水林深波靜谷酬歌披雲擔上添佳氣戴月枝  
頭挂碧蘿隔岸看來形散亂到家疑是舊南柯

前題

唐象兌

懸崖峭壁俯深淵路傍山邊與水邊斜負薜蘿山  
底日倒懸人影水中天漁翁欲訊觀棋處樵叟茫  
歸不記年若使王維圖勝跡輞川石匱共流連

前題

唐徵吉

邑庠生

何年神鬼劈鴻濛半壁江山一線通波靜魚龍驚  
返照壑深鶴鶴嘯迴風丁丁伐木追隨樂浩浩歸

歌負戴同肩息茅廬閑臥月幾忘身在斧斤中

前題

王象升

關畔樵夫接跡多無如未識姓名何忘機但見行  
還止遣興時聞嘯且歌早去穿雲盤谷磴晚歸踏  
月出烟蘿往來此地知何限幾箇看棋得爛柯

前題

王之騏

閑步荒郊望落暉偶逢樵子荷薪歸崖邊聽得相  
邀語明早穿雲入翠微

紫竹掃臺

陳廷藩

茫茫何處訪天台忽聽歸樵細述來萬丈巍巍難

望陽縣志

卷之十九 詩

三

履道一區方正宛棋臺松聲帶雨還青嶂竹影搖  
風拂綠苔不有真人常止息肯令頑石絕塵埃

前題

唐宜甲

方石一區別面開會聞仙侶作棋臺子分黑白星  
辰象紋列縱橫經緯才不用緋衣楸玉局惟憑紫  
竹去纖埃風清節亮無如此俗客焉能跨鶴來

前題

王廷鐸 邑解元

不識此山奇勝處四時但怪雲鋪絮客言採藥此  
山中絕境依稀尙能語覆頂青天尺五高俯看雲  
背若波濤琪花瑤草名難辨員嶠方壺彌處遺中

有巨池漾空碧脉連江海通潮汐陰陰洞壑老藤  
纏黑處應有蛟龍宅往年禱雨來山隈風轉靈旗  
萬壑哀飛電奔雷驚躡躡盆翻馬鬣破蒼苔更訝  
池邊方石起天然棋局平如紙仙人弈罷幾千秋  
黑白縱橫半生死蕭蕭紫竹倍孤清長伴青松守  
石枰風細月明時爲掃不教玉局點花英只恐觀  
棋柯匪故撥雲且覓來時路捫蘿幾日出層巒山  
上自晴山下雨我欲探奇杖短藜客言神境絕丹  
梯天台流水偶然遇着意尋源路已迷

前題

王維嶽

始信蓬萊境不在東海東但令世情遠丹梯若爲  
通茲山蘊靈秀萬古青濛濛俗子詎能踐得窺惟  
野翁上有紋石枰琢削非人工黑白子可數旭日  
照曛曛紫竹蔭其側高節揚清風殷勤掃莓苔纖  
塵未敢蒙何年商山叟彈棋冷碧中棋聲敲竹韻  
逸響流虛空日月本遲遲蜉蝣自匆匆揖讓暨征  
誅半晌局未終茫茫宇宙間消息誰能窮推枰起  
長嘯跨鶴遊蒼穹千載遺片石摩挲景仙踪竹影  
搖參差風雨吟如龍徘徊恐爛柯披榛出蠶叢回  
首白雲多再覓已難逢

栢亭別意

劉 篴

結亭栢下幾春秋冠蓋紛紛送遠遊名利兩途人  
共逐攜壺挈榼日無休

前題

明王 州

栢亭風迥鴈拖秋把酒臨岐送客遊翠葉蒼枝渾  
惜別暮雲春樹那能休

前題

陳廷藩

滿酌玻璃餞栢亭知他心醉酒偏醒不憂險阻迷  
前路惟檢謀猷答大廷交道每維駒皎皎離懷多  
折柳青青何當重作千金贈聚散真如水上萍

灤陽縣志

卷之十九

詩

三

前題

唐納牖

行行送遠到郊垌握手啣杯古栢亭不盡離懷魂  
欲斷野雲歸處萬山青

前題

王維泰

共歎王維畫裡詩栢亭寫景倍淒其神君立馬啣  
杯處父老攀轅墮淚時芳草斜陽新有恨稻花踈  
雨舊無私輿情戀德今猶古布政須留此日思

前題

唐宜甲

駿馬蕭蕭樹色明栢亭祖餞送嚴程如今風月杯  
中物異日雲山夢裡驚愛埒甘棠方結想操侔玉

鑑自關情昔人淚別非無故敷化盍留去後名

恩豐春曉

劉 麓

恩豐春曉景融融夜氣都歸旦氣中無限風光看不盡遲遲麗日又升東

石匱關銘

顧 璘

巖巖蒼珉壁立千尺匪斧伊削混沌攸闢藉此神用爰著佳名中藏伊何曰維邑城以鎮國封以固民衛蠢爾獯夷罔不惕畏山無癘氛江無揚波民行其下咸嘯以歌噫我來斯實厯觀風爰刻銘詩以彰有功

遊靈巖

明 陸經宗

邑庠生

峭壁峩峩傍水湄幾家醉墨有誰知不須晚渡誇前事一竅空靈也是奇

遊華山

陸經宗

帝闕何年倚碧空山山都入畫圖中振衣直上連雲處領取南來萬壑風

九日登華山

卿昌運

邑孝廉

最愛登臨攀絕頂况逢九日好晴天問樵識徑漁磯斷信馬遭岐鳥道懸伸手欲爭仙掌露飛身直入翠微煙無窮山色供舒嘯破帽隨風落日邊

九日同登華山步韻

王之驊 邑人 教諭

何事重華居絕頂幸逢九日仰中天  
插萸少一情偏若落帽多同興  
自懸干舞遙疑湘荻影風薰時  
裊嶺梧煙酩酊已入都吁代勝似浮槎到日邊

步入响水江

陸經宗

瀑布掛前山飛流等激箭  
千年未始停一刻何曾  
倦可以代禪機亦堪供茗戰  
不妨省俗緣朝暮與之見

題槽山

陸經宗

蒸雲煖霧儘由伊壁立千秋永不移  
報道龍砂將

灌陽縣志

卷之十九 詩

三

聚會胡麻萬斛也堪炊

又

巨靈丹鼎逼虛空流俗難施水火功  
十二萬年周一劫看余煉就日輪紅

舟經峽山

明王 志 邑令

自入湘江不計程灌山風景可圖形  
水推滑石叮噓响山隱流鶯睨曉鳴  
板隔黃泉身命重丹顛白浪宦情輕  
民瘼未療心應病謾倚篷牕細自評

金鷄渡

唐納牖

千尋丹壁拂雲低綠樹青波相映迷  
石罅洞開懸



玉乳渡頭人共說金鷄樵歌落日催歸棹漁唱前  
汀起宿鷺勝蹟何年傳遺史漫將斑管爲留題

前題

王之驥

丹洞幽棲別一家不餐香稻只餐霞何當踞旦鳴  
天上喚起人間睡夢賒

曲水亭

唐納編

懸崖石立孤舟繫絕壑漸流曲澗分厯厯遠峯青  
抽漢森森古木白留雲忘機鷗泛頻相狎避繳鴻  
飛獨不羣幽興未闌還倚棹數聲漁唱帶斜曛

前題

唐之栢邑人

灌陽縣志

卷之十九

詩

五

廿年滯跡向殊鄉乘興歸流曲水觴少長喜偕新  
歲月溪山不減舊風光三峯畫裡開雲軸八桂香  
飄襲草堂花塢漁磯應有約薊門遲我問清湘

曲水亭

唐之翰邑人

江漢歸來八載身蘭亭今日始相親曾過花縣思  
湘瑟更到漁磯想潯濱放眼縱看天地濶舒懷拚  
醉歲華新明朝醒憶山陰會好倩王維一寫真

曲水亭

唐時雍邑人

趨庭千里返昭關杖履追隨曲水灣氣淑林清松  
檜茂春濃沙暖鵲鵠閱流觴有句皆王謝洗盞何

人問阮山最喜天倫多樂事東臯月上醉遲還

又

幽賞殊未已近溪生水雲亭高潭影靜磯曲渚流  
分舞綵還修禊開樽更樂羣興來偶書石敢擬永  
和文

曲水亭踏月歌

唐時敘

邑拔貢

踏歌愛踏曲水月曲水亭下波明滅隔江空閣露  
風燈對岸漁舟漁串列歌聲漸起月漸高東山一  
片消江濤江濤流下瀟湘去碎雲在天霜在樹

華山雪霽

國朝

吳元安

江南上元

靈陽縣志

卷之十九

詩

五

華山高聳九峯攢雪後登臨試一觀粉本盡摹青  
嶂出丹崖都作白描看波光奪目雲初卷月色盈  
懷日已殘疑是乘槎到銀漢我心如洗鷓鴣寒

靈巖秋月

捫葛攀蘿行復踐洞門深處淨無塵雲根拔地壁  
千尺石隙叅天月一輪滄海夜珠懸喘岬蓬萊銀  
燭晃嶙峋清光歲歲忘盈缺應照羲皇太古民

王樓晚渡

巖下分流江水清疎星殘月一舟橫峰巒倒影參  
差出南北爭歸次第迎微覺寒波隨棹遠誰知仙

侶御風輕何年一去無消息海鶴傳來識姓名

石匱歸樵

松巖樵罷自成羣  
蓑笠歸來傍水濱  
山上夕陽波上影  
擔頭霜葉嶺頭雲  
煙分竹徑高低出  
風送歌聲遠近聞  
谷口疎鐘知漸動  
幾行啼鳥去紛紛

三峯烟雨

三峯天外削初成  
望去晴嵐宛轉生  
欲雨翠鬟先窈窕  
無風螺髻未分明  
參差玉筍擎朝露  
縹緲爐煙拂太清  
知有仙靈棲隱處  
時將瑞靄護層城

龍岡擁秀

灌陽縣志

卷之十九

詩

七

蜿蜒勢欲控中流  
鱗甲奔騰據上游  
雨過一山看五色  
雲連千樹擁三洲  
晴嵐映日峯如畫  
夜月澄波意若秋  
祇恐巨靈來轉運  
驚濤飛去不教留

紫竹掃臺

聞道仙蹤寄竹林  
敲碁石上有遺音  
風吹殘局誰能識  
葉拂荒臺未許尋  
樵客偶逢青嫋嫋  
漁郎重過綠沈沈  
癡心願截龍吟笛  
吹徹寒雲臥碧岑

栢亭別意

栢子香飄覆小亭  
離筵蕭管慣曾經  
青蔥自愴遊人意  
畫障長教客騎停  
沿路野花含曉露  
一潭秋水

水映殘星傷心應共勞勞柳帶雨和風不可聽

晴川芳草崔顥題詩承露昆明杜陵雜興山川

佳麗恒譜入名士聲歌巖壑烟霞每供取奚囊

詩料吾鄉八景天工示造化之奇我友芝江巧

匠出凌雲之手憑空描繪各如意中之所欲言

抒寫傳聞遂若諸景宛然在目蕞爾東臯冷署

不啻西粵臥遊歷歷珠璣何減纖草落花之句

聲聲金石竟如岳城夢澤之聯景以詩傳願酬

灌水清流以濯錦句當石勒可比華山絕頂以

題名聊志數言以當短跋癸卯十一月湘源弟

灌陽縣志

卷之十九

詩

三

蔣依錦拜題

遊葛背嶺

明唐納撰邑人明經

置身天半立把酒連雲吸醉艇泛滄浪滄浪一曲長

題南湖

明唐納撰邑廩生

吾廬近南湖南湖絕囂塵手拍南湖水足踢南湖

濱月為南湖秋花為南湖春湖樂市不樂市貧湖

不貧吾廬此湖足不足湖笑人秋月一輪白南湖

萬頃深大堤何迢迢眾籟已沉沉幽人來水邊緩

步以微吟愴然念此時可以彈我琴我琴不在絃

披月乃知音

效牙塘

有序明隆慶三年

劉子

名代無攷

隆慶己巳八月既望清湘劉子偕諸友鄧子范

子徐子唐子文子觀瀾博趣臨流賦詩撫乾坤

之幽壑訪高人之逸興俄望江濱水落石出巍

如澄如恍乎赤壁之景狀也就而視之乃宋儒

失名垂綸之所叔祖冠卿詩為之記焉予玩其

言而思其人既慄然起敬而不敢慢復又嗒然

思慕而若不忍忘者因與諸子誦赤壁之賦歌

蒹葭之章盤桓上下不覺落日催歸或謂勝地

灌陽縣志

卷之十九

詩

五

勝人咸遇類聚不偶然也由崇寧迄今數百餘

載而僅再見可無一言以紀其勝耶僉曰善遂

用冠卿前韻各次一律以示後之知樂者焉

百年高况還安仰一段天然畫不成何日了吾經

國志漫收形勝繼芳名

效牙塘

范子

名代無攷

一石鈞臺濶誰云姜子成寒潭清似渭故以效牙

名

峽中遇雨

唐之銓

邑庠生

凜凜九秋風歸舟過峽中四維雲冉冉六合雨濛

濛犬吠山庄側鷄鳴茅舍東地天渾未闢澗溢水  
聲雄

弔陳烈婦蔡氏

王維泰

恨乏青萍戮獷蠻妾身安肯丐生還事當墮膽銷  
魂際心寄冰壺玉宇間擲却頭顱輕似葉扶來節  
義重如山鬚眉尙恐慚巾幗俠骨峻贈不可攀

其二

結髮恩深山海齊死生細事復何啼生來不愧儒  
家子死去真稱陳仲妻日映丹心皆古雪天垂碧  
血化長霓香魂冉冉如仙去月下驂鸞手金攜

灌陽縣志

卷之十七

詩

三

其三

及郎同穴尙何言泉下遙憐二子存苦雨淒風頻  
憶母空山荒塚獨歸魂報仇鑄劍奇男事作癘飛  
霜烈婦冤墓祭不勝狂賊首松楸夜夜哭哀猿

其四

若非嚴雪慘無情誰識松篁苦節清天意玉成一  
義俠人間閃出眾猗猗蛾眉得正寧辭死馬鬣雖  
封不塋名千載有人存直筆譜成烈傳凜如生

其五

懋觀女史畫蘭荃香國長開不壞天祀婦城頭餘

涕淚曹娥江畔尙嬋娟豈知罵賊聲尤壯不覺捐  
生氣獨全若比常山三寸舌頰間只少數莖髮

其六

誰容四境集飛鴉坐令雙鸞彩羽凋霧鬢雲髮薪  
共燼天荒地老淚難焦孤村夜月啼紅鬼華屋春  
風舞翠翹若使升卿今日在管教寧季付烟銷

前題

王象升

綠林嘯聚鬼應愁抗節逢同賦栢舟自誓丹心懸  
皎日故拚白骨委荒邱欽哉匹婦能輕死何必將  
軍可斷頭若比投崖張氏女巍巍同踞百層樓

灤陽縣志

卷之十九 詩

三

其二

無端豺虎肆猖狂摔髮登途向異鄉望子哭夫心  
欲碎捐生取義行徧芳身全大節鬚眉愧血濺深  
山草木香何日輶軒巡下邑願將俠烈上君王

閱蔣虛舟先生死節詩傳

時之華

流氛百萬向南都危急時間忠義孤不作楚囚徒  
對泣寧爲厲鬼蔽三吳政成渤海真民牧死效常  
山大丈夫南北俱如君抗節豺狼焉敢直長驅

行經蔣虛舟先生墓

時之華

疾風吹草自榮榮石柱荒涼野鳥鳴諸葛惟期生

對壘睢陽豈料死孤城丹心千載河山壯正氣一  
時天地橫扶植綱常今古重殉身不似一毛輕

王樓山亭

顧璘

不奈城中役重尋水上游秋光俱白舫山翠忽王  
樓竹覆溪門靜雲藏石洞幽誅茅吾有意留語報  
沙鷗

泰華塢

唐象益

邑人知縣

有上人者行光灼灼字母輪迴逢性以覺表曰泰  
華嶽嶽嵯峨我心儀之亦孔之嘉出自郴源奉母  
雲遊拄錫鹿苑鼎慈焚修心契岑寂阿耨創基軍  
灌陽縣志 卷之十九 詩 三

雷嶺

唐象益

十里行來此更高草間木末響雲璈小亭縱目窮  
天際無限襟懷不記勞

宿大覺寺

唐象晉

邑庠生

我來趁新晴留為暮且醉去住兩無心一宿山中  
寺

從望月嶺過沙坪



濕雲片片落平沙  
憔悴西風幾歲華  
短髮漸隨秋病減  
寒衣近爲晚霜加  
題箋有句思渾瘦  
買醉無錢與更奢  
門外白衣人不少  
却無一箇到貧家

其二

秋來無日不山家  
村釀無錢且自賒  
曲磴幾灣堆落葉  
霜楓一路似桃花  
幾番狂叫人爭異  
半里歸途路屢差  
入得柴扉無個事  
科頭階下課烹茶

遊白竹巖

唐徵吉

嵯巖絕地與天通  
勝跡千秋色相空  
竅穴昂藏烟雨濶  
甲鱗篆刻鬼神工  
月思茂叔十年悟  
途愧嗣

灌陽縣志

卷之十九

詩

三

宗一泣窮遙憶山棲  
無限客孤懷得未與人同

潢潭磐石

明唐邦凱  
邑人知縣

浮潭巨石倚山隈  
偏稱漁家作釣臺  
鳴艇垂綸迎月去  
得魚收網振榔迴  
攜壺換酒招呼飲  
起唱高歌壯野懷  
醉臥石頭忘俗累  
烟波風月任徘徊

九龍巖

鄧斯綰  
郡廩生

徑曲石磷峒澗深  
波不起洞中尋  
九龍鱗甲厯可指  
胡不見於田而乃藏  
於涖結伴遠魚蝦  
寄情傲山水難與俗  
人言豈爲識者鄙  
徘徊天地寬靈幻  
一至此

九龍巖

趙大增錢塘人

造化何奇特登臨縱日觀巖空疑豹隱窟險護龍  
蟠水渴溪流細雲連洞口寒天留共白眼日暮染  
楓丹

前題

趙大墀錢塘人

亂山環合石嶙峋洞底潛龍造化神共向雲根高  
臥穩蒼苔碧澗水粼粼

前題

趙大均錢塘人

自闢洪荒不記年任隨滄海變桑田而今到處思  
霖雨應念蒼生莫愛眠

灌陽縣志

卷之十九 詩

三

遊九龍巖

王之驥

靈巖深窟倚林幽為愛奇觀洞裡遊怪石光芒成  
幻境潛龍蟠繞炯雙眸三三久臥雲根上一一環  
生鱗甲稠我欲乘風鞭盡起大敷霖雨遍神州

華山雪霽

唐象咸邑庠生

朝來日色冷晴峯禹廟原陵第幾重隱約千尋青  
嶂繞縱橫一片白雲封搖開鳳尾竿竿竹透出龍  
鱗樹樹松高臥空山人不見梅花何處訪孤蹤

三峯烟雨

鼎峙峯頭鎖亂雲米家何事寫紛紛歸來羽客猶

蓑笠上去樵夫任斧斤飛落泉聲聽亦見空濛山  
色看如聞天然一幅丹青畫今古常留挂夕曛

王樓晚渡

一葉輕舟江上搖古來仙跡隱漁樵當樓獨望頭  
頻點隔岸相呼手亂招白晝渡人爭盪漿黃昏過  
客不停橈如今迷却桃源路惟有間鷗趁晚潮

龍岡擁秀

鴻濛開闢絕無塵疊石層巒翠綠勻天地精華分  
一點山川靈異露全身尋詩徑裏雲爲侶載酒溪  
邊月作鄰欲訪草廬樓隱處相逢不識採樵人

灌陽縣志

卷之十九 詩

五

靈巖秋月

清光莫問是何年皓魄如移下碧天照破寒山多  
皎潔穿過古洞亦團圓到來對影誰爲主聽去無  
聲我欲仙敢作尋常風景看分明玉鏡畫嬋娟

石匱歸樵

山徑崎嶇勢必由歸時晚唱答漁舟披蓑不礙雲  
當面戴笠何妨花滿頭峭壁臨江人影亂夕陽入  
樹鳥聲幽負薪但肯行吟者勝似天台採藥流

紫竹掃臺

層階石磴任莓苔滿地寒煙盡拂開落葉無踪風

捲去幽篁有影月移來雨花上下曾相似般若高  
低莫亂猜馬跡車塵飛不到何須擁篲再徘徊

栢亭別意

一曲驪歌去路忙旗亭古樹倍蒼涼灣灣綠水流  
樽酒疊疊青山作點裝客夢十年驚落月宦情千  
古薄秋光祇緣兩字催人急誰道他鄉勝故鄉

絳帽山

王維泰

冠是何年掛寒天獨枕流人情競冕黻君意狎漁  
鷗花發間開眼蒲微不點頭無心傲貢禹高致自  
難儔

灌陽縣志

卷之十九 詩

三

王樓關

陳廷藩

大勇原能敵萬夫設關休問有虞無請看秦代開  
阡陌明月清風共一區

登臺山

陳廷藩

三年始到臺山頂環顧羣峯插漢高愛道亭基懷  
獨泐仙源洞口首空搔晴雲迢遞歸巖岫天籟于  
喁豁海濤遊足尙慚司馬跡柳陰隨處有香醪

唐玉弟古昭義關人故刑部山西司郎中之栢  
女年十七其妹聯弟十五皆未字康熙初孫延  
齡叛掠擾鄉村避亂於宅右之花石巖賊將及

同聯弟涕泣各咬指題詩石上攜手墜淵死  
姊妹流離盍舍生長留幽恨作江聲一泓浼瀨巖  
前水白石粼粼見底清

玉弟

白璧奚容稍有瑕深淵同墜亦堪嗟惟憐歲歲秋  
風起望斷雙親哭葦花

聯弟

訪愚溪

唐學一

邑拔貢

濯水之陽有愚溪柳公來賦八愚詩幼讀柳文我  
心儀尋幽想像山水奇怪哉志乘疲搜遺名區冷  
落名公題我家花崑公吐辭摩嶢嶢蚪蚪留唐碑如  
何此溪蹟遠茫茫千古空遐思或云點綴崑之  
灌陽縣志

卷之十九

詩

三

西溯洞從之隔水湄或云滄桑幾變移達觀焉用  
泥於斯我聞斯言姑闕疑仰天大嘯將何之宦遊  
催棹愛蓮池清波去照濂溪眉

九日登華山紀遊

署邑

周含萬

湖南進士

一紙催租墨未乾故人邀我躡晴巒雲開遠岫三  
峯曉風浣秋衣九月寒鳥道蘚隨樵徑斷馬蹏塵  
撲夕陽殘參軍已落龍山帽更有何人又脫冠  
聞說英雄事遠征江山情重一身輕生殲大敵刀  
還折死有餘威劍欲鳴千載尚存諸葛壘百蠻猶  
守伏波營如何青史分明在但識將軍不識名

上祀

茅將

蒼梧煙雨隔瀟湘帝闕何年列上方大地得名同  
華嶽梵王無殿比靈光泉聲漫許諧琴韻淚點憑  
誰拭竹篁堪笑山民崇祀典學成階舞太荒唐上祀

帝虞

也學丹陽步屨遊有人偏為故情留插菜少一遺  
詩債望徑開三負酒籌漫道飛黃緣我誤敢教大  
白待君浮天公可許重陽展更宴華山最上頭

龍溪橋亭

一名洗翠亭

蔣卜德

邑庠生

龍溪西望懸雲端東流入海生紫瀾有亭翼然據

志

卷之十九

詩

庚

其上跨梁一鎖迴奇觀石瀨淙淙憂寒玉澗松響  
谷風謾謾坐覺毛骨遠清冷巖翠况當眉際撲天  
風忽漾碧桃花我欲溪邊維釣槎倚欄疑與洪厓  
接拍肩一笑凌煙霞誰歟長者劉夫子更以竹林  
濟其美橋焉亭焉利人行不朽功應視溪水漫游  
却憶昇仙橋望中鸞鶴儼堪招不知題柱人安在  
且擬從君醉一瓢

王樓關晚眺

王樓晚渡為邑中八景之一相傳有仙人王樓操舟渡人累年

一日有人呼其名遂去

蔣卜德

津亭斜日射寒流水碧沙明兩岸秋行腳僧來黃

葉寺打魚船在白蘋洲懸崖倒浸珠宮冷暮靄深  
含石洞幽長嘯一聲何處應天風瑟瑟憶仙舟  
不聞吹笛泛仙舟猶是仙人古渡頭關在何因感  
時啟時啟不知何時人題王樓關寺有蘆中  
老丈今何在梵容如余亦伍員之句巖空  
且欲問王樓西山煙暝歸樵徑南浦風吟落木秋  
多少往來塵外思魚龍寂寞水悠悠

湘橋形勝

蔣卜德

右控雙流合渭涇平臨元竅殿風霆倚天筆有烟  
霞格座石基餘龍鳳形雲護花岡憐豹隱嶺紆仙  
駕嘆鴻冥雄關西枕聽鷄度唱徹湘橋幾孕靈

瀧陽縣志

卷之十九 詩

三

九日同人登松峯

史如璣

邑巖

謾謾風生鼓翠濤晴嵐百尺陟峯高十年流落空  
懷劍九日登臨愧叶糕攜得香茱分醉伴誰將險  
韻關吟曹醒餘鹿鶴心同賞語帶烟霞興轉豪

九龍巖

唐逢年

邑巖

龍巖奇窟欲遊久佳日欣逢龍為友蜿蜒龍勢巖  
亦多未若陽數茲備九若者燒尾若儲鱗若者現  
爪若露肘屈伸合得造化靈條條生動奇不偶如  
何不在田與淵石洞偕藏空蚶螺龍乎龍乎耐幽  
潛騰雲軫念蒼生否不占上九利用九為霖吉見

羣无首莫疑石骨蟠難走留題直作霹靂手

遊九龍巖

王樹品邑廩生

名巖深處龍有九勝蹟競誇遊人口聽來結伴共  
探幽九龍見尾不見首蟠旋石洞暫埋頭螫必有  
伸人知否終作霖雨福蒼生潛見于焉兩不朽

遊仙源洞與蔣瑤圃聯句

唐逢年

薄霧淡烟裏

逢年

斷橋流水村尙傳仙跡在

卜德

無復古人存澗碧聞松籟

逢年

苔青躡屐痕石門

上斜日

卜德

惆悵出花源

逢年

後山

七絕迴文

史如璣

灌陽縣志

卷之十九

詩

罕

孤峯一柱石苔斑翠嶺晴空絕企攀圖畫擬虛碧  
落影俱疑鰲出戴靈山

入峽

史如璣

峽山若設關衆水如爭隘地絡東湍瀧雲根激澎  
湃危哉一葉舟藐矣坳堂芥四顧疑崖奔寧知順  
流快

出峽

出險見平陸始知行路難憑舷有餘怖回首幾危  
灘恍自巴江下依然梓里看雨鄉分一峽排闥影  
噴岫



鷄公巖

在縣西九十里觀音閣內有二百狀若雄鷄

史如璣

何日陳倉隱寶姿却從幽洞作栖墀胎成石脆非  
雙偶精降陽鳥見兩奇呼祝有聲何所應高談相  
對了無辭乾坤萬古為晨夕任爾凡羣自報司

雀兒山

在龍溪之濱古灌城下

史如璣

江上堆螺鬱翠微雀名志載已傳徽石為筋骨知  
年古草作翎毛入夏肥颺至不因魚化出秋深豈  
與蛤同歸一經題品聲方倍遂覺精神勢欲飛

紫石廟

在邑西二十里馬山祀唐守睢陽郎將雷將軍

史如璣

陣雲低處語聞時賊將會將木偶疑六矢飛來渾

灌陽縣志

卷之十九

詩

四

不動如公端的是男兒

千秋祠樹尙悲風憾與當年嚼齒同為語春秋修  
祀者令嚴莫但詫元戎

約遊柳子巖

有序

蔣卜德

巖在縣治西四五里亂山橫翠中相傳幽邃較  
他巖尤奇幻不可名狀然欲往遊之不可得父  
老云當明季時宦遊嶺西者自郡守而上率迂  
道來遊有司困於供給因封錮之而以他巖應  
後遂無問途者頃晤成之言近村方某唐某尋  
得其處方率健男數十輩日揮鋤運畚鑿石以

復舊觀二君可謂好事矣與成之約明日往遊  
占此

西望羅池廟雲山斷復連神遊問猿鶴遺跡總風  
煙古洞今誰闢奇文偶未傳應憐疏鑿意彷彿見  
前賢

花石巖訪柳子厚石刻

署邑 宋慶和 山東進士

峯巒萃南天恒沙不可數奇地多奇人攬勝詩懷  
古靈巖灌川上今粵昔隸楚玲瓏石銜空嫵媚花  
解語柳公真就奇洞天闢穹宇時清水澎湃虜平  
山突怒摩崖記安全字字羅瓊琥想見長吟時猿嘯

灌陽縣志

卷之十九

詩

里

山精舞我來陵谷遷面壁幾偃僕乾坤秘神秀凡  
手謝摩撫不然公遠披千載傷齟齬神與造化遊  
踪跡甘榛莽悠悠江水去依依巖雲吐佚事嗟空  
傳哲人悵何許但願詩未磨銅柱與石鼓詩存公  
亦存呵護永此土搜剔語居人剝蝕難再補長嘯  
下滄波孤蓬激煙雨

前題

邑訓 唐昌齡 歸順 貞生

不識巨靈闢如此幽且深山水甲天下茲巖良足  
珍江門月常在洞口花自春石色斑斕古紀功會  
幾人明時有節烈唐代多謫臣驟雨灑林木巖溜

傳好音可憐一司馬白雲深處吟空山久寂寞苔  
壁摩未真風雷崖岸蓄蚪蚪薜蘿沉世塵飛不到  
只有猿鶴親柳公天下才無在不存神獨惜二貞  
女茫茫何處伸精魂必有托與湘妃爲鄰我來敘  
庭誼浩蕩欲追尋江芷憑一奠寒瀨生粼粼

又

蔣卜德

天風吹我裳矯若生羽翼合情眺平楚浩蕩欲何  
適緬彼欽寄士命世才罕匹韜精滯遐荒山水遭  
鐫刻詎虞造化怒茲地猶未及澗壑旣深邃水木  
亦明瑟蘊真宜與傳辭敘何寂寂疑此頗有年執

瀘陽縣志

卷之十九

詩

十一

問末由得泛舟不覺遠偶止花岡側推蓬望白雲  
馳想入幽室丹磴危可攀舍舟試輕屐仰騰蘿徑  
嶽俯瞰江天碧回飆蘋際生古色漾苔壁幽煙吐  
元竅燐火勿深入上有書數行云是柳州筆滄桑  
世幾變地蚓姿半蝕爲誰銘雋功徒爾對陳迹曠  
世懷逸軌追歡乏契集坐聞巖溜沉引領心何極  
殘陽逗西嶺夕翠霑衣濕

其二

古人不可見往跡其可思但言花石巖未至心已  
馳柳州才命世山水爭劾奇我來掃苔壁猶覩七

字詩歲深悵剝落隱隱龍蛇姿  
倏然摩挲罷抱琴倚巖扉  
且復凌絕頂西首望羅池  
片石擬韓陵視此無愧辭  
浯溪更南望亦有磨崖碑  
厥功與厥頌元氣何淋漓  
此詩置柳集令我徒狐疑  
或謂且闕疑與子攜手歸  
其人既足慕其詩有足師  
往蹟雖髣髴神遊或來茲  
歸來掩窗臥我心若與期  
營營魄欲曙蘿月低相窺

前題

史如璣

石壁如彩繪玲瓏透一竅  
中有摩崖詩字畫最奇

峭云是柳子題摩挲獨憑弔  
水疑銛鉗潭巖異石

灌陽縣志

卷之十九

詩

墨

城妙當年何來此升高  
騁遠眺回嶂截灌流危磯  
可垂釣司馬探奇人溯流  
舟幾棹高山仰芳型精氣  
天南耀

前題

范光祺

邑舉人

懸壁起嶙峋峭拔臨灌渚  
潭深水是鏡岡影倒入  
浦浪湧石開花山靜風欲  
舞腰半透玲瓏竅穴闕  
洞戶穹窿人競愛仙蹟傳  
千古放舟捫蘿上疑是  
神仙府會聞柳司馬搜奇  
窮粵楚籌戎來此地聊  
以固吾圉拂崖紀雋功逸  
韻耐嚼咀草木且增光  
佳景爭先覩仰看星斗齊  
俯瞰魚龍處水山真趣

合擇勝豁胸臆惟有一片石價重鷄林賈懷古慰  
遐思讀罷驚風雨

前題

劉象恒 邑舉人

望望羅池廟永懷一片石豈知花石巖會著柳公  
筆我生慕集古解蠟游山屐金石遺奇文忍弗事  
摻剔柳公磊落士性與山水適造物慰其賢此巖  
亦秀出物象難爲狀幽深不可極冷然萬感沉懸  
溜幽幽滴坐起剔蒼蘚漉漫龍蛇跡何當控鶴還  
對此三嘆息天地日悠悠有生皆過客徘徊顧來  
徑林薄淡斜日

灌陽縣志

卷之十九 詩

四

前題

唐逢年

名區數何了地每因人傳偶然經遊歷蒼苔留屐  
痕孰奇柳柳州山水搜羅便邊郡竄南服小邱得  
西山澄愛鈇鋤潭渠澗隨盤桓瀟湘沿流上一帆  
來灌川瞻彼花石巖乃在昭義關橫江峙孤嶂撐  
漢超諸巒石徑坦渼側石竇開厓端宮室石洞闢  
龍蛇石乳蟠鈴磬響石溜圖象雕石紋神鬼斧初  
鑿雲鎖棧高真厯劫幾何時赤壁兵同屯籌戎億  
前事記功懷舊篇攀蘿摩岑崖石上花馨芬遙遙  
又千載今昔寧殊觀古蹟遠訪求矧我宅右邊尋

幽屢消暑釣水曾烹鮮榛苓思美人恐惹黔驢驕  
幸有宋刺史攝篆來彈丸論文異俗吏按志追前  
賢鶻流灌水曲神往羅池灣鐫鏤懼磨滅補綴多  
因緣仙跡與名筆兩兩猶宛存從此踵芳蹤穴岫  
重生妍

前題

王炳麟 邑副榜

峭壁何玲瓏空谷何不朽惟有名人跡膾炙在人  
口憶唐貞元初文章數子厚駿骨傲當途出爲永  
州守永州奇勝多劄叢詩百首灌本永之屬搜奇  
恰來柳愛茲元竅幽隨筆經大手我生孰名勝景

灌陽縣志

卷之十九

詩

吳

慕千載後蒼苔凝磴深勒功事非偶花石長自開  
徘徊仰山斗

和邑侯張萼湖夕佳樓元韻

二蔣作梅邑進士

小樓山色晚偏佳賞眺遙知興自諧淺碧野田分  
眾水空青飛雨洗雙崖石稜束峽危峯立雲氣籠  
巖古木排祇恐未堪稱絕勝宣城原愜謝公懷  
官原如傳客如家與世無窮未有涯花事賸添浮  
蟻滿琴聲遙送赤烏斜村村夜漏聞絃誦處處春  
膏長菽麻亦有野人甘守拙但從天半望朱霞

靈巖秋月

卿祖一

邑解元

層巒簇簇聳王樓靈竇中開映碧流玉兔揚輝光  
徹夜銀河瀉影淨澄秋清寧曠窮資神遠晃朗注  
洋與性謀入境自微活潑地好登月窟細探求

王樓晚渡

卿祖一

灌城西去出王樓徑入靈巖古渡頭客到江干停  
駱馬我來時節下羊牛落暉潭影資心曠戛石篙  
音與耳謀卽此移情成島境何須索隱話仙舟

前題

劉景祥

邑庠生

偶步城西問渡舟殘陽餘影照王樓鏗鏘楫響資  
山韻淡沱煙痕映水幽來往倉皇憐過客泳游泮

灌陽縣志

卷之十九

詩

七

奘羨浮鷗於斯窺得間中趣一曲滄浪任自由

三峯烟雨

王樹原

邑庠生

目極三峯翠接天四時頻覺雨合烟遙知澗水敷  
源處應宅巫陽引霧仙一簇瑤簪殊縹緲半空玉  
屑自綿聯乾坤毓秀常教瞬穎脫清霄倍顯然

華山雪霽

卿祖應

邑恩貢

雪積雲端縹緲間天開曙景羨華山光騰殿宇羣  
爭眺影照樓村亦霽顏直藉瓊瑤爲世界誰傾珠  
玉賁人寰觀瀾勝賞占星聚曲有陽春不可攀

前題

劉景融

邑增生

瑞雪凝酥四境環朝暎射處見華山松遙翠蓋瓊  
葩燦澗弄清漪玉蕊斑幾片凍雲開古寺數回爽  
籟透煙鬟朝來盼得梅花發好整吟鞭共往還

石匱歸樵

劉景和

邑增生

石匱臨江傍翠微晚來斜徑見樵歸舟行水面看  
流影人出山間帶夕霏幾曲謳歌盈邃谷一羣笑  
語落苔磯相逢殊信邳翁語洗盡塵襟興欲飛

龍岡擁秀

劉景和

岡巒繞郭鬱蒼蒼龍勢蜿蜒十里長疊嶂葱蘢姿  
窈窕羣峯迢遞勢迴翔幾回夜雨薜蘿綠一帶春

灌陽縣志

卷之十九

詩

吳

風荳蔻香得侍門牆親杖履好尋幽勝醉壺觴

前題

卿祖一

龍川發處簇龍岡奔赴西原迤邐長秀擁層巒羣  
屬眺譽推八景久傳芳躬耕幾處餘桑畝春睡何  
人足草堂風景不殊趨守異遂教千古頌南陽

紫竹掃臺

莫予智

邑附貢

遙望南山紫翠隈夙聞奇景有高臺旋風頻舞雙  
竿帚凡石全無半點埃共說磐爲仙侶局漫看竹  
是野人栽尋常未許遊踪到偶有觀棋樵子來

栢亭別意

劉景祥



慙勤送客出松屏望望魂銷古栢亭三疊曲成人  
自淚一樽酒盡馬難停山隈曲鎖旌何在嶺表斜  
暉景欲冥應識一鞭殘照裏回看惟有暮山青

茅將軍廟

一在華山頂一在邑東門外

蔣卜德

巋然遺廟附城陰誰識當年殄寇心雨霽三峯氣  
已淨手提一劍氣難沉揚塵見說蓬萊淺侵甲安  
知瘴癘深未擬圖形向麟閣神絃休按武溪吟

鬱葱祠樹野風吹猶訝華岡

華山在邑南五里相傳為將軍死事處上

有神龕前有井磐掩之不知其深淺云將鐵騎  
軍追寇至此寇投於井以通將軍視井而死

馳白首丹心何日泯幾人青史大名垂老翁倚杖

灌陽縣志

卷之十九 詩

五

談遺事春雨滋苔上斷碑擬薦溪蘋問猿鶴可曾  
雲際卷歸旗

前題

蔣卜德

虛堂老樹肅陰陰氣接華巔自古今上砌莓苔春  
後長到門風雨夜來深幾尋枯井寧遺孽三尺純  
鈎尙此心野史難憑龕像在坐聽猿鶴總悲吟  
五嶺浮雲拂檻陰神游誰與暢雄襟春蘭秋菊蒸  
嘗續賸水殘山壁壘沉橫海樓船何縹緲伏波銅  
柱漫追尋靈旗想像迴翔處一劍芒寒倚翠岑

前題

王樹恩

邑貢生

伊昔華巔小醜橫將軍佩節鎮邊城妖氛殄盡風  
猶烈鐵馬敲殘劍欲鳴人在叢祠昭偉業羣從大  
樹想精誠奇勲借未書青史一片丹心萬古名

茅將軍廟

唐逢年

邑恩貢

誰稱異域奏殊勲每向前民溯舊聞能執干戈圖  
靖寇懼危社稷命方君忠肝一片庭前石怒氣千  
重嶺上雲廟貌靈威禋祀在至今安樂享將軍  
將軍偉績快師班曾說文淵老服蠻長賴錫麻鎮  
東郭可如銅柱表南關英風颯颯氣吹散壯骨稜  
稜革裹還景仰令人尋古蹟華山高似伏波山

澤陽縣志

卷之十九

詩

五

前題

范光祺

邑舉人

偉績誰能播越蠻將軍提劍立華山前茅可拔氛  
先靖古廟如新勢莫攀但使勲驚銅柱處管教名  
著簡書聞風聲鶴唳今猶昔千載威靈鎮下關  
屢建奇勲今有成明茅成克全峻節大方名明茅  
立奇勲難披肝露膽追前烈殉國忘身本至誠功在南天  
為保障神留東郭作干城安全猶記當時事赫赫  
軍聲寄水聲

前題

戴汝淳

邑舉人

廟貌巍哉灌水東將軍千載凜英風飛升豈是華

巔蹟驍勇翻同定遠功

明史載有茅成定遠人驍勇立奇勲

祇恨勲

名遺史冊相傳義氣薄蒼穹至今人薦蘋蘩菜猶

想當年報國忠

聞說將軍擒賊時孤忠矢志靖邊陲誰知草竊魂

先散自問精忱死亦宜浩氣至今留嶺嶠英靈長

此護城池休言野史無佳話草動風吹認指麾

前題

史登言

邑庠生

華山東望戍樓空下有叢祠報事同見說丹心明

皎日定應碧血化長虹雲幢影靜爐煙外鐵甲芒

寒夜月中毅魄尚傳來饗處蕭蕭大樹起悲風

灌陽縣志

卷之十九

詩

五

繞祠江水日悠悠好載雲旗賦遠遊砌冷苔衣晨

著雨簷虛鐵馬夜鳴秋功成強弩今安在名著輕

車去不留倘遇南山逢射虎相看莫訝未封侯

前題

史登誠

邑庠生

曾是揮戈剿賊巢遙遙華胄氏于茅用恒先筮需

初畫禦寇終占蒙六爻五嶺妖氛連灌邑二陵風

雨扼秦嶠祇今廟貌瞻雄毅伏莽么麼汝敢然

莫道茅公或少文品同知至不求聞未能並列功

臣廟祇愛明馨灌水濱在昔拳旗稱義勇而今飲

羽說將軍禦災捍患勲難沒我亦隨人薦澗芹

前題

唐滋桂 邑廩生

伏波千載仰威風誰識將軍偉烈同自昔平魔忠  
貫月于今仗劍氣如虹烟雲長繞荒苔綠血汗猶  
悲古樹紅史冊遺傳功不朽華山銅柱兩英雄

花石岡

唐 鳩 邑舉人

峯巒轟轟闢南天石上花開此獨傳柳子探奇題  
好句雲蒸霞蔚幾千年

迎薰亭

莫予碩 邑增生

薰和習習浹羣生吹到南亭善氣迎臨水觀瀾羨  
魚樂因風解慍聽琴聲飄飄頓覺襟懷爽鼓盪還

灌陽縣志

卷之十九

詩

三

欣利澤宏惠我無私人共沐虞廷揮送暢輿情

五指山

在縣西九十里觀音閣

蔣世材 邑歲貢

奇峯聳翠插天空勝景居然在掌中數合乾坤融  
結意瓊山遙與灌山同

雨夜宿觀音閣

蔣作楫 邑廩生

遙知投宿處倦聽雨中更潑墨千林色奔濤萬壑  
聲焚香心自警剪燭句初成乍喜僕夫語來朝天  
欲晴

秋夜偶成

蔣作楫

銀河長亘夜光浮拂面金風動客愁涼露涓涓水

清淺滿汀蘆荻月明秋

重九後數日登松峯

史璜邑廩生

踏破蒼苔上翠微飄然欲共白雲飛不嫌風急重  
吹帽為愛山高一振衣殘菊對人神澹沱老松經  
世想依稀尊前現有茱萸在今日翻疑昨日非

灌陽八景

黃居正邑庠生

秀擁龍川地龍剛峯排碧漢間三峯臺高風竹掃

紫竹掃臺亭遠客情閒柏亭會意巖侵月靈巖宜人雪

霽山華山歸看樵過石石霞飛渡到仙關王樓晚渡

避蚊謠

蔣柄邑舉人

灌陽縣志

卷之十九 詩

夏夜北牕涼饒我讀書趣伊吾抒詩情揮毫寫新  
句逸興正勃然蚊來頓無數耳畔聲如雷掉頭竟  
不懼書箋纔半行嚼膚經幾度憤然搨一掌蚊去  
臉遭苦停筆揮羽扇靜坐翻自悟此類慣傷人軀  
命曾不顧小忿原宜忍與校真大誤避入碧紗幮  
恬適安吾素利口任囂囂不聞自不怒

仙人橋

范學純邑庠生

巨石崔巍跨正泉彩虹落處繪於天行人不解乾  
坤意謾道經營是眾仙